

Հ Ա Շ Վ Ե Տ Վ ՈՒ Թ Յ ՈՒ Ն

2023թ. հոկտեմբերի 16-ից 19-ը Հնդկաստանի Հանրապետություն (ք. Մումբայ)
կատարած գործուղման արդյունքների մասին

1. Անունը, ազգանունը

Գնել Սանոսյան

2. Զբաղեցրած պաշտոնը

Հայաստանի Հանրապետության տարածքային կառավարման և
ենթակառուցվածքների նախարար

3. Գործուղման վայրը և ժամկետները

Հնդկաստանի Հանրապետություն (ք. Մումբայ), հոկտեմբերի 16-ից 19-ը:

4. Հրավիրող կողմը

Հրավերը ստացվել է Հնդկաստանի Հանրապետության նավահանգիստների,
նավագնացության և ջրային ուղիների նախարար Սարբանանդա Սոնոլալից:

5. Գործուղման նպատակը (աշխատանքային ո՞ր խնդրի լուծման համար էր նախատեսված գործուղումը)

Մասնակցել Հնդկաստանի Հանրապետության համաշխարհային ծովային
գազաթնաժողովին (GMIS 2023): Ունենալ երկկողմ հանդիպումներ ոլորտային
գործընկերների հետ:

Մասնակցել Չարահարի նավահանգստի թեմայով կլոր սեղան-քննարկմանը:

6. Քննարկված թեմաները

Հնդկաստանի Հանրապետության նավահանգիստների, նավագնացության և
ջրային ուղիների նախարար Սարբանանդա Սոնոլալի հետ հանդիպման
ժամանակ կարևորվել է հայ-հնդկական հարաբերությունների ընդլայնման
համատեքստում ոլորտային համագործակցության խորացման

անհրաժեշտությունը, ինչպես նաև ենթակառուցվածքային ոլորտում հնարավոր համագործակցության վերաբերյալ հարցեր:

7. Հանդիպումները, ելույթները, բարձրացված կամ քննարկված հարցերը

Մասնակցել եմ Հնդկաստանի Համաշխարհային ծովային գազաթնաժողովի բացման արարողությանը:

Հոկտեմբերի 16-ին՝ Գազաթնաժողովի (GMIS 2023) մասնակցության շրջանակներում հանդիպել եմ Հնդկաստանի արտահանման-ներկրման բանկի գլխավոր մենեջեր Նիրմիթ Վեդի հետ: Քննարկվել են Հայաստանի Հանրապետությունում ենթակառուցվածքային մի շարք ծրագրերի, մասնավորապես՝ ճանապարհաշինության և դպրոցաշինության ծրագրերում հնդկական կողմի ֆինանսական, խորհրդատվական, այդ թվում աշխատուժի և տեխնիկական ներգրավվածության գործնական հնարավորությունները:

Դարձյալ Գազաթնաժողովի շրջանակներում հանդիպել եմ «Shapoorji Pallonji And Company Private Limited holding»-ի ներկայացուցիչների հետ: Այս ընկերությունը 15 խոշոր ընկերությունների համաշխարհային, դիվերսիֆիկացված կազմակերպություն է՝ մասնագիտացված շինարարության, ենթակառուցվածքների, անշարժ գույքի, ջրային, էներգետիկ և ֆինանսական ոլորտներում:

Ներկայացրել եմ տարբեր ոլորտներում առկա շինարարական ծրագրերը: Մասնավորապես շեշտադրվել է դպրոցաշինության, ճանապարհաշինության ոլորտի ծրագրերը և դրանցում Ընկերության հնարավոր ներգրավվածության վերաբերյալ հարցերը: «Shapoorji Pallonji» ընկերությունը հետաքրքրություն է ցուցաբերել հատկապես դպրոցաշինական ծրագրերի նկատմամբ:

Պայմանավորվածություն է ձեռք բերվել վերոնշյալ ծրագրերի մասին հանգամանալից տեղեկատվություն ներկայացնել ընկերությանը՝ ներառելով ծրագրերի ֆինանսավորման մեխանիզմների, աշխարհագրական տեղակայման, արտաքին նկարագրերի մասին տվյալներ: Ընկերությունը ուսումնասիրություն կատարելուց հետո ներկայացուցիչներ կգործուղի Հայաստան՝ տեղում գործընթացի հնարավորություններին և խնդիրներին ծանոթանալու նպատակով:

Հանդիպել եմ նաև «Larsen & Toubro» ընկերության փոխնախագահ Մադհավա Դասի հետ: Մումբայում տեղակայված գլխամասային գրասենյակ

ունեցող Larsen & Toubro Limited-ը Հնդկաստանի մասնավոր հատվածի ամենամեծ և ամենահեղինակավոր ընկերություններից մեկն է:

Ավելի քան 80 տարվա հաճախորդակենտրոն մոտեցմամբ և համաշխարհային մակարդակի ստանդարտներով՝ L&T-ն ունի մեծ հնարավորություններ տեխնոլոգիաների, ճարտարագիտության, շինարարության և արտադրության ոլորտներում և պահպանում է առաջատարի դիրքը իր բիզնեսի բոլոր հիմնական ուղղություններում:

Հանդիպման ժամանակ ընկերությունը հետաքրքրություն է ցուցաբերել հատկապես էներգետիկ ոլորտում շինարարության ծրագրերի վերաբերյալ, քանի որ հատկապես ենթակայանների շինարարության ոլորտում ունի հարուստ և հաջողված փորձ աշխարհի առաջատար և զարգացող երկրներում:

Պայմանավորվածություն է ձեռք բերվել առաջիկայում արդեն Հայաստանում ծանոթանալ համագործակցության հնարավորություններին:

Հոկտեմբերի 18-ին կայացած Չաբահարի նավահանգստի թեմայով կլոր սեղան-քննարկմանը կլոր սեղանի ժամանակ ելույթ եմ ունեցել «Հայաստանը՝ տարածաշրջանային հաղորդակցության խաչմերուկ» խորագրով:

Ելույթով ընդգծել եմ, որ Հայաստանում՝ լինելով դեպի ծով ելք չունեցող երկիր, որի սահմաններն Արևելքից և Արևմուտքից երեք տասնամյակ շարունակ ցամաքային շրջափակման մեջ են, հանդիսանում է տարածաշրջանային և միջսահմանային ներառական և անաչառ կապի խթանման հավատարիմ ջատագով: Հայաստանի ճանապարհային ցանցը լուրջ ներուժ ունի այս նպատակին հասնելու համար: Հայաստանի կառավարությունը ջանքեր է գործադրում երկրի համապատասխան ենթակառուցվածքների վերականգնման և արդիականացման ուղղությամբ՝ իրականացնելով Հյուսիս-Հարավ ճանապարհային միջանցքի ներդրումային ծրագիրը, որը, Հայաստանի կարողությունները բարձրացնելով, երկրին հնարավորություն կտա լիարժեք մասնակիցը դառնալ ինչպես Հյուսիս-Հարավ միջազգային տրանսպորտային միջանցքին, այնպես էլ հաղորդակցության այլ նախաձեռնություններին:

Այս կարևոր ռազմավարական ճանապարհի կառուցումը կոյուրինացնի Հայաստանի հարավային սահմանից դեպի վրացական սահման և մինչև Սև ծովի նավահանգիստներ երթևեկությունը և թույլ կտա իրականացնել ավելի շատ ուղևորափոխադրումներ և բեռնափոխադրումներ՝ միջազգային չափանիշներին համապատասխան:

Եզրափակելով ելույթս՝ վերահաստատել եմ միջազգային գործընկերների և այլ շահագրգիռ կողմերի միջև առավել ընդլայնված համագործակցության և համակարգման համատեղ ուղի ձևավորելու ուղղությամբ բոլոր գործընկերների հետ աշխատելու Հայաստանի լիակատար հաստատակամությունը՝ տարածաշրջանային և գլոբալ առավել արդյունավետ կապի խթանման գործում նշանակալից առաջընթաց գրանցելու համար:

8. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը.

Այցի արդյունքներով փաստաթղթեր չեն ստորագրվել:

9. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները.

Առաջարկ է հնչել հետևողականորեն աշխատել 7-րդ և 8-րդ կետում նշված պայմանավորվածությունները կյանքի կոչելու ուղղությամբ:

10. Ստորագրությունը, ամսաթիվը

24.10.2023 թ.



Հ Ա Շ Վ Ե Տ Վ ՈՒ Թ Յ ՈՒ Ն
ԳՈՐԾՈՒՂՄԱՆ ԾԱԽՍԵՐԻ ՎԵՐՋՆԱՀԱՇՎԱՐԿԻ ՄԱՍԻՆ

1. Մարմնի անվանումը ՀՀ տարածքային կառավարման և ենթակառուցվածքների նախարարություն
 2. Գործուղման մասին իրավական ակտի համարը ՀՀ վարչապետի 12.10.2023թ.1016-Ա

3. Անունը, ազգանունը, զբաղեցրած պաշտոնը (մասնագիտությունը)
 (թվարկել՝ պատվիրակություն գործուղելու դեպքում)

Գնել Սանոսյան
 ՀՀ ՏԿԵ նախարար
 Հնդկաստանի Հանրապետություն /Մումբայ/
 16.10-19.10.2023թ.
 2023թ. ՀՀ պետական բյուջեից

4. Գործուղման վայրը

5. Գործուղման ժամկետները

6. Գործուղման ծախսերի ֆինանսավորման աղբյուրը՝

1) իրավիրող կողմի միջոցների հաշվին հատուցվող ծախսերը

(թվարկել՝ ճանապարհածախս, գիշերավարձ, օրապահիկ և այլն)

2) պետական բյուջեի միջոցների հաշվին հատուցվող ծախսերը

(ՀՀ կառավարության 2005 թվականի դեկտեմբերի 29-ի N 2335-Ն որոշմանը համապատասխան)

(ընդգծել ծախսերի փոխհատուցման տարբերակը)

ա. փաստացի կատարված ծախսերը հիմնավորող փաստաթղթերի հիման վրա՝ դրանցով սահմանված չափով, բայց ոչ ավելի, քան ցանկով նախատեսված չափերը


բ. գործուղման անհատական իրավական ակտով սովյալ գործուղման փաստացի կատարված ծախսերի հատուցման պահանջի համաձայն

| Ծախսի տեսակը | | | Ընդամենը (դրամ) |
|------------------------------------|---|---------------|--------------------|
| Ճանապարհա ծախս | Ավիաձառայության տեսակը (էկոնոմ դաս, բիզնես դաս) | էկոնոմ դաս | |
| | Ավիատոմսի արժեքը (դրամ) | 335070 | 335070 |
| Գիշերավարձ | Վճարը 1 օրվա համար (արտարժույթով) | | |
| | Վճարը 1 օրվա համար (դրամ) | 0 | |
| | Օրերի քանակը | | |
| | Ընդամենը (դրամ) | 0 | 0 |
| Օրապահիկ | Վճարը 1 օրվա համար (արտարժույթով) | 54 | |
| | Վճարը 1 օրվա համար (դրամ) | 21727 | |
| | Օրերի քանակը | 4 | |
| | Ընդամենը (դրամ) | 86908 | 86908 |
| Այլ ծախսեր | Հակահամաճարակային նմուշառումների վճար | | |
| | Մուտքի արտոնագրի վճար | | |
| | Այլ ծախսեր | | 0 |
| Ընդամենը ծախսեր (հազ. դրամ) | | 421978 | 421978 |

1\$=402.35 դրամ

Գլխավոր ֆինանսիստի ստորագրությունը, ամսաթիվը:

25.10.2023թ.



Ա.Երիցյան